

Tafsiira Suuratu Luqmaan-Kutaa 13

Description

Kutaa kana keessatti qananii fi mallattoolee doonii keessa jiru dubbata. Itti aanse amala namoota yeroo rakkoo gara Rabbiitti fiiganii ergasii qananii Isaa waakkatanii ibsa. Shirkii warraa ammaati moo shirkii warra duriitu fokkuudhaa? Deebii kanaa argachuuf dubbisa itti haa fufnuâ€!

الْمَرْءَأَنَّ الْفُلَكَ تَجْرِي فِي الْبَحْرِ بِنِعْمَتِ اللَّهِ لِيُرِيكُمْ مَنْءَأَيْتَهُ إِنَّ
 فِي ذَلِكَ لَذَيْنَتٍ لِكُلِّ صَبَارٍ شَكُورٍ



â€œMallattoolee Isaa irraa isinitti agarsiisuuf doonin tola Rabbiitiin galaana keessa akka deemu hin arginee? Dhugumatti, kana keessa nama garmalee obsaa, galateefataa taâ€™e hundaaf mallattooleetu jira.â€ Suuratu Luqmaan 31:31

Rabbiin subhanaahu wa taâ€™aalaa doonin ajaja Isaatiin akka irra deemtuf galaana kan laaffise Isa akka taâ€™e beeksisa. Gabroota Isaa irratti tola oolu irraa kan kaâ€™e doonin galaana keessa akka deemu taasise. Osoo bishaaniif humna dooni baadhatu kenu baate, silaa doonin irra deemu dandeessi?[\[1\]](#) â€œMallattoolee Isaa irraa isinitti agarsiisuufâ€ Kana jechuun mallattoolee fi ragaalee Isaa garii kan dandeetti, ogummaa fi rahmata Isaa agarsiisan isinitti agarsiisuuf doonii galaana keessa akka deemu taasise.

â€œDhugumatti, kana keessa nama garmalee obsaa, galateefataa taâ€™e hundaaf mallattooleetu jira.â€ Kana jechuun dooniin galaana keessa deemuun nama wanta Rabbiin dhoowwe irraa obsu, wanta Inni itti ajaje hojjachuu fi murtii Isaa irratti obsuuf, akkasumas, qananii Rabbiitiif galateefatu hundaaf mallattooleetu jira.[\[2\]](#)

â€œDooniin tola Rabbiitiin galaana irra akka deemuâ€ jedhe dubbachuu booda â€œgarmalee obsaa, galateefataa taâ€™e hundaafâ€ jechuun aayah goloobun garmalee kan walitti galuudha. Sababni isaas, dooniin tuni galaana irra waan deemuuf yeroo garii danbaliin ni dhaya, namnis sababa kanaan ni rakkata. Tarii miidhamuus dandaâ€™a. Kanaafu, kana obsaan fudhata. Tarii dhimmi faallaa kanaa taâ€™uu dandaâ€™a. Galaana irra nagahaan darbanii wanta gaarii baayâ€™ee argachuuf dandaâ€™u. Kanaafu, kana galata galchuun qunnama. Doonii tana waliin wanti nama gammachiisu fi miidhu waan jiruuf, Rabbiin oltaâ€™aan, â€œnama garmalee obsaa, galateefataa taâ€™e hundaaf mallattooleetu jira.â€ jechuun guduunfe.[\[3\]](#)

﴿وَإِذَا غَشِيَّهُمْ مَوْجٌ كَالظَّلَلِ دَعَوْا اللَّهَ مُخْلِصِينَ لَهُ الَّذِينَ فَلَمَّا نَجَّنَهُمْ

إِلَى الْبَرِّ فَمِنْهُمْ مُّقْتَصِدٌ وَمَا يَجْحَدُ بِمَا يَأْتِنَا إِلَّا كُلُّ خَتَارٍ كُفُورٌ﴾
٢٦

â€œYommuu danbalin akka duumessa yookiin gaaraa isaan haguugee, amanti Isaaf qulqulleessuun Rabbiin kadhatu. Yommuu gara lafaatti isaan baasu, isaan keessaa nama madaallamaa taâ€™etu jira. Aayaata Keenya akkaan gantuu, kafaraa malee kan waakkatu hin jiru.â€ Suuratu Luqmaan 31:32

Kana jechuun yommuu namoota Rabbiin ala wanta biraan gabbaran kanniin osoo dooni yaabbatanii deemanu danbalin akka gaaraa ykn duumessaa haguuge, bishaanin nyaatamna jedhanii garmalee sodaatu, ni nahu. Kanaafu, gara Rabbiitti dheessun Isa qofa kadhatu. Garuu yommuu gara lafaatti nagahaan isaan baasu, isaan keessaa nama jiddu-galeessa taâ€™etu jira. Haala guutuu taâ€™een Rabbiin hin galateefatu. Ammas, isaan keessaa nama qananii Rabbii waakkatutu jira.[\[4\]](#)

Mushrikoonni duri yommuu haala cima keessa seenan, fakkeenyaf danbalin gara hundaan yoo isaan marse, Rabbiin beekanii Isa qofa kadhatu. Kuni kan agarsiisuu shirkii warra duraanii caalaa shirkii warra isaan booda dhufanii badaadha. Yeroo ammaa namoota yommuu danbalin bishaani akka duumessaa gara hundaan isaan marsuu ykn rakkoon isaan tuqu, uumamtoota waammatantu jira. â€œYaa Rabbii nagaha na baasiâ€ jechuu dhiisee, â€œYaa Aliyy nagaha na baasi, yaa Abdul Qadir na baraari, yaa ebalu na baraari.â€ Jedha. Kanaafu, shirkii warra kanaa shirkii warra durii caalaa fokkuudha. Warri durii yommuu rakkoon isaan tuqu haqa ni beeku. Rabbiin malee eenyullee rakkoo kana akka hin kaasne ni beeku. Garuu warri ammaa jaaminsa irratti jaaminsa dabalatu.

Akkuma beekkamu, Abdulqaadir ykn Badawiin ykn Aliyy ykn namni biraan rakkoo namarriaa kaasu hin dandaâ€™u. Inumaa, kunniin hunduu osoo rakkoon isaan tuqe mataa ofii irraayyu kaasu hin dandaâ€™an. Kanaafu, akkamitti namoota biroo irraa kaasu dandaâ€™u ree? Kuni kana waliinu isaan duâ€™anii jiruu, gara hundaan abdiin isaan waliin cite. Garuu osoo kan jiraatan taâ€™anii, tarii namni isaan gargaarsifachu dandaâ€™a. Haa taâ€™uu malee, erga duâ€™anii booda wallaala malee isaan irraa gargaarsaa fi birmannaa barbaadun hin dandaâ€™amu. Aliyy ykn Abdulqaadir ykn Badawin ykn namni biraan yeroo rakkoo kadhatamu qabrii keessaa bahee dhufuun nama baraaru hin dandaâ€™u[\[5\]](#)

Shirkii warra ammaa shirkii warra durii caalaa fokkuudha.

â€œaayaata Keenya akkaan gantuu, kafaraa malee kan waakkatu hin jiru.â€ Kana jechuun garmalee gantuu (waadaa kan diigu), qananii Rabbiin isatti oole kan waakkatu malee mallattoolee fi ragaalee Keenya kan kijibsiisuu hin jiru.

Asitti aayaanni mallattoolee fi ragaalee qananii fi tawhiida Rabbii agarsiisaniidha. Aayaanni kunniinis aayaata shariâ€™aa fi aayaata kawni jedhamuun bakka lamatti qoodamu. Aayaanni shariâ€™aa

keeyattootaa fi ragaalee Rabbiin Ergamtoota Isaa irratti buusedha. Kan akka Qurâ€™aanaa. Aayaanni kawni immoo wantoota Inni uumeedha.

Aayaata kanniin kan kijibsiisuu fi mormuu nama amaloota lamaan kanniin qabuudha: ganuu (waadaa diigu) fi kafaruu (qananii waakkachuu, galata galchuu dhiisu).

Namni tokko osoo akkana jedhe gaafate: â€œAsitti akkamitti waadaa diigee?â€

Akkana jenna: Namoonnni kunniin yommuu galaana keessa deemanii danbalin itti dhufuu, â€œYoo Rabbiin kana jalaa nagaha nu baase, dhugumatti warra Rabbiif galata galchan keessaa taanaâ€ jechuun waadaa galu. Garuu yommuu Rabbiin nagaha isaan baasu, waadaa kana ni diigu.[\[6\]](#) Dachii keessatti daangaa darbu, Rabbiif galata hin galchan. (Ilaali suuratu Yuunus 10:22)

Kitaabban wabii:

[\[1\]](#) Tafsiir Ibn Kasiir-6/130[\[2\]](#) Tafsiir Muyassar-414[\[3\]](#) Tafsiiru Qurâ€™aanil Kariim-Suuratu Luqmaan, Ibn Useymiin- fuula 185[\[4\]](#) Tafsiir Muyassar-414[\[5\]](#) Tafsiiru Qurâ€™aanil Kariim-Suuratu Luqmaan, Ibn Useymiin- fuula 187 [\[6\]](#) Tafsiir Saâ€™dii-766

Date Created

October 26, 2020

Author

admin